## 山庫全幸

史部

欽定四庫全書

史傅三編卷三十四

史部

刑部即中日許兆椿覆勘 詳校官編修臣謝振定 總校官知縣臣緣

校對官主事臣陳文福 謄録監生臣妻業雅 琪

一人八月三 ハルラ 丁 史传三編	父母强之乃應舉一出即中申科調湖州掌書記簽書	陳瓘字瑩中南剑州沙縣人少好讀書不喜為進取學	· 块瓘	***	名臣傅二十六		史傳三編卷三十四	欽定四庫全書
	科調湖州掌書記簽書	好讀書不喜為進取學				大學士朱軾撰		

時且來越留难小須之难不肯曰子不語怪力亂神斯 姦邪所當先辨瓘曰公誤矣果爾将失天下望為今之 右其偏一也天子待公為政敢問将何先惇曰司馬光 世之務难曰請以所乘舟為喻偏重其可行乎移左置 引疾求歸下不聽機攝通判明州下素敬道人張懷素 越州判官太守蔡卡察其賢禮之有加而难常遠之屢 後二十年而懷素該章厚入相聞其名邀與同載詢當 近怪矣守既信重民将從風而靡不識之未為不幸也

金欠匹匠

ただりにこう 嘗為别試所主文自謂蔡下曰聞陳难欲盡取史學而 序文自為日此豈神考親製耶瓘曰誰言其非也自曰 學省議欲毀資治通鑑板瓘聞之因策士題特引神宗 長之異自以告十十乃令學中置板高問不敢復議毀 亦神考少年之文耳瓘曰聖人之學得之天性豈有少 熟通經之士意在動搖荆公之學也下愁謀因此害**瓘** 至都用為太學博士會下與惇合志下黨薛昂林自官 計惟消烟黨持中道庶可以救弊惇竟雖忤亦驚異之 史傅三編

哲宗感悦執政聞而惡之出判滄州知衛州觀宗即 若稽古為訓若者順而行之稽者考其當否必使合於 遷秘書省校書郎時給述之說盛瓘奏言堯舜禹旨以 瓘已預料其然乃於前五名悉取用王氏學者卞無以 民情所以成帝王之治天子之孝與士大夫之孝不同 發然自五名而下皆博治稽古之士 难當曰當時若無 以韓忠彥薦名為右正言與臺諫龔夬等劾蔡卞免之 矫揉則勢必激壞故隨時所以救時不必取快目前

蔡京視日久而不瞬當語人曰京精神如此他日必貴 状瓘與江公望繼言之京奪職居杭州初瓘因朝會見 於是二人並除名而再貶惇居潭州豐稷又疏察京姦 受大臣諷諭傅致語言指為謗訕考之公論宜正典刑 聖中置看詳元祐訴理局凡於先朝言語不順者加以 稷等共劾章惇惇罷知越州瓘以為責輕復論惇在紹 釘足剝皮斬頸拔舌之刑看詳之官如安惇塞序辰等 又論那怨矯誣定策之罪恕坐安置均州又與襲夫豐 八傳三傷

とこう... シュ.

.

后已歸政瓘言外戚向宗良兄弟與侍從希寵之士交 賜以黄金百两后亦命勿遽去界十僧牒以為行装改 院瓘出都門繳四章奏之并明宣仁誣誇事帝密遣使 言啖璀璀日京為惡首吾不得已也攻之愈力時皇太 通使物議籍籍謂太后今猶預政由是罷監揚州糧 君自肆矣居諫省即攻其惡京因所親以情懇且以甘 然矜其禀赋敢敢太陽吾恐此人得志必擅私逞欲無 知無為軍明年入為右司員外郎萬權給事中宰相曾

金云四库全言

とこうころう 瓘退即録所上布書及所當著日録辨國用須知以状 多不合今若此是欲以官爵相餌也吾有一書論其過 論者國事是非有公議公未可失待士禮布矍然改容 書布大怒爭辨移時至箕踞辞語瓘色不動徐曰適所 将投之以決去就明旦入省布邀與相見南就席處出 申三省曰瓘不達大體觸忤大臣伏乞敷奏早行竄點 布使客告以将即真难語其子正彙曰吾與丞相議事 出知泰州連貶通州安置初瓘以紹聖史官專據王安 史傳三編

以立名乎盖以神考為克主上為舜助舜尊堯何得為 **揣知其意大呼曰今日之事豈被詔吉耶械失措始曰** 集深闢誣妄以正君臣之義張商英為相取其書既上 首論其事進日録辨乞改實録又因窟責合浦著尊克 朝廷令取尊克集耳难曰然則何用如此君知尊克所 又命凶人石械知州事執至庭大陳殺具将脅以死瓘 而商英罷瓘從台州宰相徧今所過州出兵護送至台 石日録以修神宗實錄變亂是非不可傳信故居諫省

金ケビニノンー

Child nor City 論京卡皆披擿其處心發露其情應最所思恨故得禍 政持不行卜居江州旋今居南康南至又移楚瓘平生 諫議大夫名官其子正彙紹與二十六年髙宗謂輔臣 最酷不使一日少安宣和六年卒年六十五靖康初贈 在台五年復承事郎聽白便帝令再权一官與差遣執 曰陳瓘為諫官甚有讜議所著尊堯集明君臣大分合 史傅三編

議干犯名分乎城慚揖瓘退雖倉辱百端而不敢加害

罪時相學術淺短為人所愚君所得幾何乃亦不畏公

於易春秋之義宜賜益以表之益曰忠肅瓘盖和不與 心思聞者或甚其言已而京怙寵妄作人始服雖為著 惟伯淳能之瓘問曰伯淳誰也祖禹默然久之曰不知 院點檢官與范祖禹同舍祖禹言顏子不遷怒不貳過 物競問居於莊自持語不苟發元豐已丑瓘為禮部貢 **隱未形於事瓘於是時即力言京不可用用之必為腹** 然後誦之蔡京為翰林學士承肯以詞命為職潛姦伏 有程伯淳也瓘因以寡陋自愧每得明道之文必冠帶

金女里正之言

聞者 隆祐垂篇高宗中與之事往往預言之士大夫問有親 為賢士所欽屬如此雅智慮明遠通易數如靖康變故 或問游酢以當今濟世之才酢曰陳了翁其人也难病 劉安世使人勉以醫藥自輔曰天下方将有賴於公其 答曰陳瓘又問其次曰陳雅自好也宣和末世事日非 龜克然仁年高望重尤留心人才或問以今誰可用者 論曰嘉祐治平以前一時賢者皆稜柄用而天下蒙

ヤニコミ とう

史傳三編

韓忠彥字師朴琦長子也齊将作監簿復舉進士名武 まなした 之義者相去遠矣北宋自開國以來公輔之器代不 大觀其平生守經達權选用桑剛與夫經經抱咫尺 乏人當以瓘為殿後云 猶得有所救正难晚出而位下屬當章惇蔡京曾布 相繼柄政屢撄其鋒幾至不免雖然瓘之學博而才 其福後雖既衰元祐數年之間司馬光吕公著之徒 韓忠彦

スクラー・ 會官制初行值章惇為相奏給事中封駁宜先稟而後 惟則善矣忠彥曰問罪西夏於二國之好何預乎使還 之語及西事忠彥曰此小役也何問為及燕於館遼主 遣使賀遼主生辰忠彦遂以給事奉使遼遣趙資睦迅 又使王言敷問夏國何罪而中國兵不解無失兩朝之 待制知瀛州朝廷以夏人囚廢其主東常用兵西方既 下米脂等城岩数十夏人求救於遼遼人移書繼至會 館職界官户部判官丁父喪服除直龍圖閣推天章閣 Ħ 史專三編

記戒筋陛下能法仁祖用心則善矣以觀文殿學士知· 州元祐中名為户部尚書雅左及及極密同知選知院 親政當時亦多議斥童獻時事仁宗惡其持情近萬下 事有當下者多自盡旨忠彦以官制駁之乃詔事無鉅 事哲宗親政羣小多言宣仁后垂篇時事忠彦言仁宗 細必經三省而後行拜禮部尚書以樞密直學士知定 政異矣尚何稟議詔從之左僕射王珪為南郊大禮使 上忠彦言朝廷之事執政所行也事當封駁則固與執 Hr.

金好口库全言

卷三十四

SCHOOL LINES 似四曰戒用兵踰月拜尚書右僕射兼中書侍郎旋進 忠彦入對陳四事一曰廣仁恩二曰開言路三曰去疑 言及知名之士於是以龔夫為殿中侍御史陳璀鄒浩 士改知大名府徽宗即位名拜吏部尚書兼門下侍郎 為左右正言而常安民任伯雨江公望張舜民等布列 左僕射帝用忠彥言數下諂蠲天下逋負收用忠直敢 取之地棄還之以怠民力至是言者劾之降資政殿學 真定府移定州忠彦在西府以用兵西方非是願以所 **史傅三編** 

**大名府忠彦既去於是忠直之士前後斥逐而蔡京進** 蔡十等相繼劾去一時翕然望治而右相曽布與忠彦 博司馬光吕公著吕大防劉擎等三十三人官而章惇 范統仁等官從蘇軾等於內郡又追復元祐幸執文彦 不協引其黨排忠彥崇寧元年以觀文殿大學士罷知 臺諫台還流人而甄叙之復以程順判西京國子監復 后欲復廢后為忠彥罪再降太中大夫安置懷州又論 用併逐曽布權歸於京而政事日非矣言者又以皇太

イングしたんごし

2007 . Ass. 宣奉大夫致仕卒年七十二理宗寶慶二年圖功臣像 於的熟崇德閣自趙普至趙汝愚二十四人忠彦與馬 住建復湟都又謫磁州團練副使稍復太中大夫遂以 忠彦在相位不應棄湟州謫崇信軍節度副使濟州居 位一 論曰元祐之朝尚有老成人馬故能和衷協濟以成 之人如陳瓘鄒浩常安民任伯雨之徒雖皆天下才 數年之功及撤宗之初范統仁問命而卒程伊川就 月而去其餘界無存者獨一韓忠彦耳所薦引 . 史傳三高

李綱字伯紀邵武人也父夔終龍圖閣待制綱登政和 一年進士積官監察御史以言事件權貴改比部員外 憤懣適足為小人排擊之資而已紹聖諸姦方據高 位重禄以圖其後雖有英哲之主欲使一日之間舍 其舊而新是圖亦已難矣孟子曰一齊人傳之衆楚 然起疎逊之中德澤未加於人恩意未孚於上孤忠 人咻之其忠彦之謂乎 李綱

Z.17 . . .... 武之事不出於明皇後世惜之主上聰明仁恕公言萬 乎巨敵猖獗非傳以位號不足招欲天下豪傑公以獻 納為職益為上極言之敏口監國可乎綱曰唐肅宗靈 吳敏曰朝廷命太子為開封牧豈非欲委以留守之任 卿時金人渝盟朝議避敵綱上禦敵五策且語給事中 盗賊外患為憂謫監南劍州沙縣稅務七年為太常少 一得行則天下受其賜翼日敏請對具道所以且言李 史專三為 +

郎遷起居郎宣和元年京師大水綱言陰氣太盛當以

金只巴匠在書 除兵部侍郎靖康元年金兵渡河藏宗東幸幸執又議 姦使君子之道長以副太上付託之意李都使金議割 上應天心下順人欲攘除外患使中國之勢尊誅鋤內 天下可保疏上內禪之議乃決欽宗即位綱上封事請 地綱奏祖宗疆土當以死守不可尺寸與人帝嘉納之 乎若假以位號使為陛下守宗社收将士心以死捍敵 監國典禮之常也今大敵入起存亡呼吸猶守常禮可 綱論與臣同有肯名綱入綱刺臂血上書畧云皇太子

帝顧宰執曰策将安出綱進曰今日之事當整軍馬固 有如都城者且宗廟社稷百官萬民所在捨此欲何之 帝默然太宰白時中曰都城不可守綱曰天下城池孰 中季邦彥雖未必知兵然藉其位號無将士以抗敵鋒 朝廷以髙位厚禄崇養大臣盖将用之有事之日白時 結民心相與堅守以待勤王之師帝問誰可将者綱曰 請帝避敢綱曰太上挈宗社以授陛下委而去之可乎 乃其職也時中忿曰李綱莫能将兵出戰否綱曰陛下

蜀宗廟朝廷毀於城手今四方之兵不日雲集奈何蹈 復決意南府網趨朝則禁衛樣甲乘與已駕矣綱急呼 曰朕今為卿留治兵禦敵專委之卿綱惶恐受命未幾 倉卒降御榻口朕不能留矣綱泣拜以死邀之帝顧綱 力陳所以不可去之意且言唐明皇潼關失守即時幸 幸執猶守避敵之議有吉以綱為東京留守綱復為上 明皇之覆轍乎帝意頗悟會內侍奏中宫已行帝色變 不以臣庸懦倘使治兵願以死報乃以綱為尚書右丞

金定匹庫全書

散歸陛下孰與為衛敵兵已迫知乘與未遠以健馬疾 見曰今六軍父母妻子皆在都城願以死守萬一中道 禁衛回爾等顧守宗社乎願從幸乎皆曰顧死守綱入 ことのうことう 數日而畢敢兵攻城綱身督戰募壯士絕城而下斬其 是命綱為親征行營使以便宜從事綱治守戰之具不 追何以禦之帝感悟遂命輟行禁衛皆拜伏呼萬歲於 乃退求遣大臣至軍中議和綱請行帝遣李棁綱曰安 神将十餘及其士卒數千金人知有備又聞帝已內禪 史傳三編

天下且不足況都城平三鎮國之屏蔽割之何以立國 議宿留數日大兵四集彼孤軍深入雖不得所欲亦將 至於遣質即宰相當往親王不當往若遣雜士姑與之 幸相為質稅不敢措一詞還報綱言金人所需金幣竭 金人需金幣以干萬計求割太原中山河問地以親王 不合綱退則誓書已行所求皆與之以皇弟康王少保 速歸此時而與之盟則不敢輕中國而和可久宰執

危在此一舉臣恐李棁怯懦誤國事帝不聴竟使稅往

秦鳳兵至綱言金人貪婪無厭勢非用兵不可且敢兵 人工可且 八十 糧道分兵復畿北諸邑而以重兵臨敵營堅壁勿戰俟 十萬而吾勤王之師集城下者已二十餘萬彼以孤軍 渡而擊之此必勝之計也帝深以為然約日舉事姚平 其食盡力疲然後以一 屠掠四方勤王之師漸有至者种師道姚平仲以涇原 張邦昌為質時朝廷日輸金幣而金人需求不已日 入重地當以計取之不必與角一旦之力若扼河津絕 一機取誓書復三鎮縱其北歸半 史傅三編 肆

をひししと言 之曰用兵乃李綱姚平仲非朝廷意遂罷綱以蔡懋代 仲急於要功先期以步騎萬人夜斫敵管不克綱承旨 戰於幕天坡以神臂弓射却之已而金使來李邦彦語 率諸将出封丘門援之則平仲巳亡去矣綱乃與金人 者數十萬呼聲動地猝不得奏至殺傷內侍帝亟名 之太學生陳東等指闕上書明綱無罪軍民不期而集 四壁守禦使蔡懋之代綱也禁不得颠施矢石将士積 綱入見泣拜請死帝亦泣命綱復為尚書右丞充京城 三 十 綱

愤至是綱下令能殺敵者厚赏衆皆奮躍金人懼稍稍 事網請如澶淵故事遣兵護送且戒諸将可擊則擊之 とろうう 從及陳東乞誅蔡京蔡攸朱靦及貫依等朝議遣聶 復遣而将士解體矣初徽宗南幸童貫髙俅等以兵扈 各綱盡遣城下兵恐倉卒無措急後諸将還諸将已追 乃以兵十萬分道並進将士受命踴躍以行已而執政 及金人於邢趙間處得還師之命無不扼腕追綱力爭 引却且已得三鎮及親王為質乃退師除綱知樞密院 史專三高

金欠口库全言 陛下将何以處之不若罷山之行請於太上去此數人 陛下萬一不果是數人者挾太上於東南求劍南一道 為發運使往圖之綱曰使山所圖果成震驚太上憂在 宗泣數行下又詢都城攻團守禦次第語漸浹治綱因 皇帝聖孝思慕欲以天下養之意請太上早還京師觀 綱曰此無他不過欲知朝廷事爾乃自請行既至具道 問改革政事之故且召吳敏李綱或慮太上意有不測 可不勞而定帝從其言金人既退觀宗還次南都以書 卷三十

具道太上意及太上還網迎拜於國門是時北兵已去 魚泉簡賜綱且曰卿輔助皇帝打守宗社有大功若能 以大慰皇帝之心勿問細故可也複宗感悟出玉帶金 輕憂懼不食皇帝傅位之,初太上巡幸適當大敵入攻 太上還官上下恬然置邊事不問綱獨以為憂乃上備 調和父子問當遂書青史垂名萬世綱感泣再拜綱還 為宗社計庭事不得不小有更革太上回鑾臣謂宜有 言皇帝仁孝惟恐有一不當太上意者每得詰問之詔 CALD IN ANT 史佛三編

金丘 儀注南仲大怒誣綱結士民伏閼綱待罪帝慰解之至 大夫今宜皆復舊制初奉迎太上時綱與耿南仲爭論 邊禦敵八事又奏邊事方棘調度不給宜稍抑冒濫以 足國用如節度使至遙郡刺史本以待敷臣今時以戚 是南仲等語頗行帝遂疑綱專權會金兵圍太原种 里恩澤得之堂吏轉官止於正郎崇觀問始轉至中奉 為河東北宣撫使綱辭曰臣書生實不知兵在圍城中 戰没師道病歸南仲乃曰援太原非綱不可遂以 Ľ 圧と言 綱 師

火にりこう 撫司徒有節制之名俄又以議和止綱進兵每一次記 度論魏洪簡等童流要語以進時宣撫司兵僅萬二千 但掃除小人使君子道長則打禦外患不難也因書 裴 起兵而趣解太原之團諸将人别受御畫事皆專達宣 人展事未集而詔屢趣綱行綱行次懷州即詔罷減所 恐受命帝手書裴度傅以賜綱綱言臣何足以望裴度 **乞致仕童十餘上又不許許翰書杜郵二字遺綱綱皇** 不得已為陛下料理兵事令為大師恐誤國不許退而 史傳三編

院而進聶山陳過庭李回等綱戴日事不可為矣即 姦至是徐處仁吳敏罷相而相唐恪許翰罷同知樞密 之師入援未至而都城失守先是康王至北軍為金 大學士領開封府事綱行次長沙被命即率湖南勤王 再滴江寧及金兵再至帝始悟和議之非除網資政殿 疏丐罷乃命种師道代綱而名綱赴闕尋以觀文殿學 下綱皆上疏極論之不報初綱陛辭時言唐恪聶山之 知揚州未幾以綱主戰丧師費財落職建昌軍安置

生プレア

ころしのいこという 責在陛下與幸相臣自視關然不足以副委任帝曰朕 於外為天下臣民所推戴內修外治還二聖而撫萬邦 可綱頓首曰昔唐明皇欲相姚崇崇以十事要說皆中 知卿忠義智界久矣欲使敵國畏服四方安寧非卿 所不喜求遣肅王代之至是康王開大元帥府承制復 綱至見於内殿涕泗交集帝為動容因辭曰陛下總師 綱故官及即位拜綱尚書右僕射魚中書侍郎趣赴闕 一時之病今臣亦以十事仰千天聽陛下度其可行者 史佛三編

金少日一人三七 不可不一到京師見宗廟以慰都人之心度未可居則 欲戰則不足欲和則不可莫若先自治專以守為策俟 能守而後可戰能戰而後可和而靖康之末皆失之今 賜之施行臣乃敢受命一曰議國是謂中國之禦四裔 康又次之皆當記有司預為之備三曰議赦今謂祖宗 為巡幸之計以天下形勢而觀長安為上襄陽次之建 吾政事修士氣振然後可議大舉二曰議巡幸謂車駕

登極赦合皆有成式前日赦書乃以張拜昌偽赦為法

宜 . . . . . 其庭者不可勝數昔唐肅宗平賊汙偽命者以六等定 **獪勢必復來宜於沿河江淮措置控禦以扼其衝八曰** 罪宜做之以勵士風六曰議戰謂軍政久廢士氣怯 命謂國家更大變鮮仗節死義之士而受偽官屈膝於 挾金人之勢易姓改號宜正典刑垂戒萬世五曰議偽 正四曰議僧逆謂張邦昌為國大臣不能臨難死節而 如赦惡逆及罪廢官盡復官職皆汎濫不可行宜悉改 一新紀律信賞必罰以作其氣七曰議守謂敵情於

慎擇而久任之以責成功十曰議修徳謂上始膺天命 尊九曰議久任謂靖康問進退大臣太速功效茂著宜 議本政謂政出多門紀綱紊亂宜一歸之中書則朝廷 以止四方勤王之師及知天下之不與乃請元祐太后 金人為易姓之謀邦昌偃然正位號處宫禁擅降偽部 僭逆偽命二事留中不出綱言二事乃政刑之大者方 宜益修孝悌恭儉以副四海之望翼日領網議於朝惟 垂簾聴政而議奉迎邦昌僭逆始末如此陛下欲建中

表三十四

執政議之納復曰邦昌僧逆豈可使在朝廷俾道路指 知君臣之義靖康之禍能仗節死義者在內惟李若水 **儔以下皆遷謫有差綱又言近世士大夫寡庶鮮耻不** 以 笏擊之陛下必欲用邦昌第罷臣帝頗感動汪伯彦 目曰此亦一天子哉因泣拜曰臣不可與邦昌同列當 命臣僚一切置而不問何以勵天下士大夫之節帝名 興之業而專崇僧逆之臣以示四方其能不解體又偽 乃曰李綱氣直臣等所不及乃謫邦昌於潭州吳秆莫

多好四庫全書 吾所以自治者政事已修然後可以問罪金人迎還。 作士魚擇帥臣以任方面選監司都守以奉行新政俟 涕卿今可以受命矣綱拜謝有古蔗充御營使入對奏 路詢訪以聞帝謂綱曰卿昨爭張邦昌事內侍輩皆泣 財電民力改弊法省冗官誠號令以感人心信赏罰以 所謂規模者外樂强敵內銷盜賊修軍政變士風格那 曰當今之務先定規模而知先後緩急之序乃能成功 外惟霍安國願加贈恤帝從其請仍詔有死節者諸 卷三十四

というこ とう 之皆精兵也真若於河北置招撫司河東置經制司擇 兵以援其危急臣恐糧盡兵被危急無告金人因而用 所以戴宋者甚堅皆推豪傑以為首領多者數萬少者 四州而巴其餘三十餘郡皆為朝廷守兩路士民兵将 澤路分晉餘郡猶存也河北所失者不過真定懷衛溶 盖河北河東者國之屏蔽也今河東所失者恒代太 原 聖此規模也至所當急而先者則在于料理河北河東 亦不下萬人朝廷不因此時置司遣使以大慰撫之分 史傳三編

之意有能全一州復一郡者以為節度防禦團練使今 不可傳亮者先以邊功得官當治河朔都城受園時亮 **募河北兵士民得書喜曰朝廷棄我猶有一張察院拔** 而用之應募者凡十七萬人故綱以為招撫河北非 者綱薦張所傅亮所嘗為監察御史在圍城中以蠟書 廷無北顧之憂此今日之先務也帝善其言問誰可任 自為守非惟絕其從敵之心又可責其樂敵之力使朝 有才界者為之使宣諭天子恩德不忍棄两河於敵 國

十五人為甲甲正以牌書伍長五人姓名百人為隊隊 人王司を とう 捷書至者金人圍守諸郡之兵往往引去而山砦之兵 故事當肆放網奏陛下登極敖書獨遺河北河東顧因 應招無經制二司募者甚衆開封守關綱薦宗澤帝從 以所為河北抬撫使亮為河東經制副使有項皇子生 **令赦廣示徳意帝從之於是兩路人情翕然有以破敵** 率勤王之兵三萬人屢立戰功綱察其智忍可用帝乃 >網立軍法五人為伍伍長以牌書同伍四人姓名二 史傅三編

受路乞取者行軍法遇敵逃潰者斬因而為盗賊者誅 戰艦募水軍及詢訪諸路武臣材客之可任者以備用 騎不足勝車請以車制領京東西製造而教閱之又造 将 将正副十人姓名二千五百人為軍統制官以牌書部 團結有所呼召使令按牌以遣三省樞密院置賞功司 将以牌書甲正四人姓名五百人為部部将以牌書隊 及家屬凡軍政申明改更者數十條又以步不足勝騎 正副十人姓名命招置新軍及御營司兵並依新法

+

お以感動天下使同心協力以致中興又乞省冗員節 てるしつ こうこう 一一 浮費帝皆從其言時四方潰兵為盗者十餘萬人攻劫 時議遣使於金綱奏曰堯舜之道孝悌而已今所遣使 下之心不然中原非復我有帝為詔諭两京以還都之 能行上策幸關中猶當且適裏鄧示不忘故都以係天 山東淮南襄漢之間綱命将悉討平之又言陛下縱未 以周望傅雩為二聖通問使奉表以往網乞降哀痛之 但當奉表通問兩宫致思慕之意可也帝乃命綱草表 史海三编

金牙セニノノー 使張所置司北京勿渡河北而名傳亮還京綱力爭之 無不容納至是所言常留中不報已而邊綱門下侍郎 謂綱曰外論沟海咸謂東幸已決綱曰國之存亡於是 言南陽光武所興地利足情可暫駐跟乃還汗都計無 而潛善為中書侍郎潛善伯彦力排河東北二司之議 馬分吾當以去就爭之先是綱每有所論諫言雖切直 出於此者帝許之而黃潛善汪伯彦除主南行之計或 意讀者皆感泣未幾有記欲幸東南綱極論其不可且 卷三十四

てこう・・・・・ 學士提舉洞霄官許翰言綱忠義捨之無以致中與會 帝召見陳東東言潛善伯彦不可任綱不可去東坐死 沒時為御史劾網以私意殺侍從紹罷網為觀文殿大 行疏論其非不報章将再上其鄉人照齊愈者竊其草 兵二曰買馬三曰募民出財以助兵費齊愈以為不可 示網時方論僭逆附偽之罪於是逮齊愈戮之東市張 姓時齊愈書張邦昌姓名入議至是網進三疏一曰募 不得乃再疏求去初諫議大夫宋齊愈當金人議立異 史傅三高

京東西殘毀關輔而中原盜賊鑫起矣紹與二年除觀 縣相繼淪陷凡綱所規畫軍民之政一切廢罷金人攻 求去後有肯網落職居鄂州自網罷張所以罪去傳亮 民潰卒羣聚為盜賊多者至數萬人綱悉平之上言荆 文殿學士湖廣宣撫使知潭州是時江湖江湘之間流 以母病辭歸招撫經制二司並廢車駕遂東幸两河郡 翰口吾與東皆爭李綱者東戮都市吾在廟堂可乎遂 湖國之上流如料澧岳鄂若荆南一带皆當屯宿重兵

金厅也库全書

卷三十四

守備之宜當先料理准南荆襄以為東南屏蔽近年以 臨之分遣偏帥進守支郡加以戰艦水軍上運下接自 來大將擁重兵於江南官吏守空城於江北故敵人得 三省施行五年的問攻戰守備措置綏懷之方綱奏言 恢復中原之漸議未及行而陳官徐俯劉裴劾綱罷之 倚為形勢使四川之號今可通襄漢之聲援可接乃有 以侵擾今當於淮之東南及判襄置三大師屯重兵以 四年金人及偽齊來攻綱上防禦三策點付樞密院及 . / 再三編

權宜駐蹕顧記守臣治城池修宫闕立官府置營壁使 然後政事可修有營壘然後士卒可用此措置所當先 之土田子以爵賞優加無循使其不感悦益堅戴宋之 也至於西北之民未當一日忘宋有願為內應者宜給 之利莫大於是若夫萬乘所居必擇形勝莫善於建康 因利乘便收復京幾要以必為之志而勿失機會攻戰 為防守敵馬雖多不敢輕犯有守備矣然後分責諸将 粗成規模以待巡幸盖有城池然後人心不恐有官府

in in こう 州時張沒趙冉相繼柄國知綱賢可任然不引當樞 事六曰寅畏天威疏上除江西安無制置大使萬知洪 又不使建間准北以當恢復之任僅使安無江西而兵 公選人材三日變革土風四口爱惜日力五日務盡 綱言沒措置失當誠為有罪然其區區狗國之心有 此級懷所當先也又條上六事一曰信任輔弱二 及張後以吕祉敗引咎去相位言者引漢誅王恢為 糧希事權不重綱屢疏請兵籌度措置江西賴以 シ 写三角 晏

或不用用又不久而其忠誠義氣凍然動乎遠邇每宋 撫 久長之策擇其善者從之九年除知潭州荆湖南路安 使金還與金使偕來以詔諭江南為名綱愦憑上疏言 平江去建康不遠徒有退避之名不宜輕動八年王 人綱負天下之望以一身用捨為社稷生民安危雖身 金人邀求無厭願陛下且勿輕許深記羣臣講明可 可矜者願少寬假以責來效時車駕将幸平江網以 大使綱力解次年卒年五十八贈少師官其親族 倫 . 為

金丘匹庫全書

卷三十四

火にりることす 制置江右録 炎時政記建炎進退志建炎制記表智集宣撫判廣記 卷文章歌詩奏議百餘卷又有靖康傳信録奉迎録建 此綱所著有易傳內篇十卷外篇十二卷論語詳說十 使至金金人必問李綱趙則安否其為遠人所畏服如 時方艱難莫與共理然綱在圍城之中徒手奮臂以 者及髙宗之起惟一宗澤如韓岳之流尚隱於卒伍 論曰綱在靖康承京貫之後文武幹界之士無一存 史傳三編 子六

史傳三編卷三十四 之問两建大敷成效章章如此國勢搶攘又非承平 無事之時猶遭擯抑噤不得施用惜哉 成却敵之熟處新造之朝順指心運遂建中興之業 計其前後皆不過數十日自古遭時之難成功之速 未有如綱者也綱去後猶有十年竟置之若有若無

てかりき ここ 考官惡其切直置未甲調館陶尉中使督開御河方隆 宗澤字汝霖義爲人登元祐六年進士廷對極陳時弊 欽定四庫全書 名臣傅二十七 史傳三編卷三十五 宗澤 史傳三高

流牛安得黄使者怒欲劾邑官澤曰此澤意也通判登 牛黄澤報曰方時疫癘牛飲其毒則結為黄令和氣滂 無慮他日有警當思吾言矣改知掖縣部使者承旨市 於民澤奏免之及朝廷遣使由登州結女真盟海上謀 冬役夫僵仆相望澤上書其師請待來春從之調龍游 州境内官田數百項皆不毛之土歳輸萬餘緡率橫取 調晉州趙城今下車請升縣為軍不從澤曰承平時固 今民未知學澤為建库序設師儒講論經術風俗一變

善否則安能屈節北庭以唇君命乎議者謂澤剛方不 率託故不行澤口食禄而避難不可也即日單騎就道 屈恐害和議止不遣命知磁州時太原失守官两河者 使澤曰是行不生還矣或問之澤曰敵能悔過退師固 問靖康元年中丞陳過庭等列薦假宗正少卿充和議 夾攻契丹澤曰天下自此多事矣退居東陽結廬山谷 從羸卒十餘人磁經敵騎蹂職人民逃徙帑廪枵胅澤 至繕城浚池治器械募義勇為固守計上言邢洺磁趙 史傳三編

遣数干騎直扣磁州城澤摞甲登城令壯士以神臂弓 相五州各蓄精兵二萬人敵攻一郡則四郡皆應是一 敵又詭詞以致大王願勿行王遂還相州有詔以澤為 郡之兵常有十萬人帝嘉之除河北義兵都總管金人 副元帥從王起兵入援澤言宜急會兵李直渡斷敵歸 軍士康王再使金行至磁澤迎謁日肅王一去不返今 射走之開門縱擊斬首數百級所獲羊馬金帛悉以賣 破真定引兵南取慶源自李固渡過河恐澤兵躡其後

金年四库全是

曹輔齊蠟封手記至自京師言和議可成澤口金人校 大破之金人既敗乃留兵分屯澤遣壮士夜擣其軍破 路不從乃自将兵趙渡道遇金兵遣秦光弼張德夾攻 超澶淵次第進壘以解京師之圍萬一敵有異謀則吾 **請是欲款我師耳君父之望接何啻餞渴宜急引軍直** 河見王曰京城受圍日久入援不可緩會簽樞密院事 三十餘岩時康王開大元帥府檄兵會大名澤履冰渡 兵已在城下汪伯彦等難之勸王遣澤先行自是澤不 史傳三編

書勸王機諸道兵會京城又移書北道總管趙野河東 澤以孤軍進都統陳淬言敵方熾未可輕舉澤怒欲斬 北路宣撫范訥知與仁府曽楙合兵入援三人皆不答 遣三千騎往援金人果至敗之金人復向開德權邦彦 攻開德澤遣孔彦威與戰又敗之澤度金人必犯濮先 之諸将乞貸淬使效死澤命淬進兵遇金人敗之金人 孔彦威合兵夾擊又大敗之澤兵進至衛南度将孤兵

得預府中謀議矣二年正月澤至開徳十三戰皆捷以

金牙巴上生

**设定四車全書** 以澤為徽猷閣待制時汴京失守金人迫二帝北行澤 敢復出兵澤出其不意遣兵過大河襲擊敗之王承制 於我今一戰而却勢必復來使悉其鐵騎夜襲吾軍則 危矣乃暮徙其軍金人夜至得空營大熊自是憚澤不 寡不深入不能成功乃揮衆直前與戰敗之轉戰而東 百斬首數千級金人大敗退走數十里澤計敵衆十倍 進退等死不可不從死中求生士卒知必死無不一當 敵益生兵至王孝忠戰死前後皆敵壘澤下令曰今日 **史博三編** 

惟大王在濟天意可知宜亟行天討與復社稷又勸王 近剛正而遠柔邪納諫諍而拒諛佞尚恭儉而抑驕侈 澤上書于王曰人臣豈有服赭袍張紅盖御正殿者乎 元肆赦惡狀昭著若邦昌者今二聖諸王悉渡河而孔 自古姦臣皆外為恭順而中職禍心未有竊據實位改 欲先行誅討會得大元帥府書約移師近都按甲觀變 邀還二帝而勤王之兵卒無一至者又聞張邦昌恪位 聞即提軍超滑走黎陽至大名欲徑渡河據金人歸路

言以告和暮入一説以乞盟終致二聖北遷宗社蒙耻 WITT TOUT OF 帝欲留澤黃潛善等沮之除龍圖閣學士知襄陽府時 當兢兢業業思傳之萬世奈何以割地為議手自金人 再至朝廷未當命一将出一師但聞姦邪之臣朝進一 金人有割地之議澤言天下者太祖太宗之天下陛下 大計時與李綱同入對相見論國事慷慨流涕綱奇之 累表勘進王即帝位於南京澤入見涕四交順陳與復 體憂勤而忘逸樂進忠實而退私偽以係天下之心因 史傅三编

為盗者城無輕重並從軍法由是盗賊屏息人賴以安 兵民雜居盜賊縱橫澤至首捕誅舍賊者數人下令曰 王善者河東巨冠也擁衆七十萬欲據京城澤單騎入 敵騎留屯河上金鼓之聲日夕相聞而京城樓櫓盡廢 開封尹闕李綱言綏復舊都非澤不可徙知開封府時 報國恩足矣帝覽其言壯之改知青州時年六十九矣 而自絕其民也臣雖為怯當躬冒矢石為諸将先捐驅 今即位四十日矣未聞有大號令是褫天下忠義之氣

金を口上とこ

卷三十五

善告治謂之曰朝廷當危難時使有如公一二輩豈復 **擁泉 數萬往來侵掠澤悉抬降之因上疏請帝還京俄** 甲降又有楊進者兵三十萬王再與李貴王大郎等各 開封尹金當遣人以使偽楚為名至開封府澤曰此名 漸同平時将士農民商旅士大夫之懷忠義者莫不願 有記荆襄江淮悉備巡幸澤復言此來開封物價市肆 有敵患乎今日乃汝立功之秋不可失也善感泣遂解 陛下亟歸京師以慰人心除延康殿學士京城留守兼

四壁各置使以領招集之兵造決勝戰車十餘乘車用 帝乃親礼諭澤竟縱遣之言者附黃潛善意欲因是構 五十有五人運車者十有一執器械輔車者四十有四 澤尚書左丞許景衡抗疏力辨乞厚加任使以成樂敵 澤以為憂乃渡河約諸将共議事宜以圖收復於京城 枕帝悟封其童付澤澤乃安時真定懷衛間敵兵甚盛 治民之功且言得宗澤方可保東京有東京行在始安 為使實現我也拘其人乞斬之有鉛延置别館澤切諫

金坛四月在市

畿瀕河七十二里命十六縣分守之縣皆開康深廣丈 靈失所仰戴宜亟回汴京以慰元元之心不報及遣官 於是陝西京東西諸路人馬咸願聽澤節制澤視師河 餘於其南植鹿角又團結班直諸軍及民兵之可用者 两河山水岩及陝西義士開五丈河以通西北商旅京 周旋曲折可以應用又據形勢立堅壁三十四所於城 北還疏言陛下尚留南都舍宗廟朝廷使社稷無依生 外駐兵數萬澤往來按視之沿河鱗次為聯珠砦結連 史專三編

謀攻汴京諸将請先斷河孫嚴兵自固澤笑曰去冬金 金只口店生 王欽若勸幸金陵陳堯叟勘幸成都惟冤準請親征卒 之弗廖且并與心腹而棄之矣昔景徳間契丹冠澶淵 議經從三省樞密院輒為潛善等所抑金将烏珠渡河 上五事其一言黃潛善汪伯彥贊南幸之非澤前後建 用成功臣何敢望冠準然不敢不以章聖堂陛下又條 雖未教寧特一手臂之不伸耳今遽欲去之非惟一臂 迎奉六宫往金陵澤復上疏曰京師天下腹心也两河 卷三十五

つこう... ここ 男 據西京澤遣部将李景良問中立郭俊民領兵趙鄭遇 外必能樂敵乃選精鋭數干使繞出敵後伏其歸路全 敵大戰中立死之俊民降景良通去澤捕得景良斬之 人方與行戰伏兵起前後夾擊之金人果敗全将尼瑪哈 係屬入問計澤方對客圍棋笑曰何事張皇劉行等在 聞之夜斷河梁遁去二年金人自鄭抵白沙都人震恐 騎直來正坐斷河孫耳乃命部将劉行趙滑劉達趙鄭 以分敵勢戒諸将極力保護河梁以俟大兵之集金人 史博三編

請往救澤以五千人付之戒毋輕戰以待援為至迎戰 之謂仲祖舜從而免之諸将皆服金師入滑部将張為 日宣始至與金人大戰破之殺傷甚眾澤迎為喪歸恤 敵騎十倍諸将請避其鋒撝曰避而偷生何面目見宗 為人将不能以死敵我乃欲以兒女子語誘我乎亦斬 既而後民與金将及燕人何仲祖來招澤澤數俊民曰 公力戰死之澤間為急遣王宣領騎五千救之擒死二 汝為金人持書相誘何面目見我乎斬之謂金将曰汝

恭三十五

其面爭先殺駕者復不知其幾此記一出臣恐草澤之 西不降敢而保山岩者不知其幾諸處節義之夫自黥 賊比非勤王者之罪乃一時措置乖謬所致耳今河東 不能無而用之使之機餓困窮弱者填溝壑强者為盗 福建江淮越數千里爭先勤王當時大臣無遠識大畧 自敵 国京城忠義之士愤懑爭 奮廣之東西湖之南北 起執政謂其多以義師為名請下令止勤王澤上疏曰 其家以宣權知滑州金人自是不敢復犯東京山東盗 史專三名

三月矣陛下不早回京則天下之民何所依戴又造子 金好四庫全書 士一旦解體倉卒有急能復有效忠義者哉王策者本 大舉之計名諸将謂曰汝等有忠義心當協謀勒敵期 雪耻策感泣願效死澤因問金人虚實盡得其詳遂決 **遠臣為金将往來河上澤擒之解其縛坐堂上為言契** 還京日臣為陛下保護京城自去年秋冬至於今春又 還二聖成大功言記泣下諸将皆泣聽命澤上疏請帝 丹本宋兄弟之國今女真滅汝國又辱吾主義當協謀

1/1.10 mm /.Lin 陛下見機乘時而已又言楚人城郢史氏鄙之今乃於 之計非所宜也先是澤去磁以州事付兵馬鈴轄李侃 儀真教習水戰傳聞四方必謂中原不守為江寧控扼 **颖指行在上疏口天下之事見幾而動今收復伊洛而** 衆懼生變澤口世隆本吾一校耳何能為世隆至澤責 統制趙世隆殺之至是世隆及弟世興以兵二萬來歸 引領舉踵日望官軍之至以時而言中與之兆可見在 金将渡河捍旅滑臺而敵國屢敗河東河北山砦義民 史佛三編

忠義給資糧遣之且賜以公憑候官軍渡河以為信驗 澤威聲日著北方聞其名常尊憚之對南人言必曰宗 爺爺契丹人有歸中國者澤引置坐側推誠與語諭以 會全人攻滑州澤遣世與往救世與至掩其不備敗之 遂連結諸路義兵燕趙豪傑當謂人曰事可舉矣復上 人持數百本而去又為榜文散示陷沒州縣以為公據 曰汝兄犯法當誅汝能奮志立功足以雪耻世興感 泣

而斬之時世興佩刀侍側衆兵露刃庭下澤徐謂世興 卷三十五

治擇日還京而竟不果是年六月王彦聚兵太行山欲 敬其兄以及人之兄所以教入弟陛下當與忠臣義士 之足憂乎又言聖人爱其親以及人之親所以教人孝 淵聖未有官室望改修實錄官以為迎奉之所帝乃下 合謀肆討迎復二聖今太上所御龍徳宫儼然如舊惟 STANDING THE W 助之至天下順之陛下及此時還京則衆心翕然何敵 渡河勒敵楊進等兵百萬亦願渡河同致死力臣聞多 疏言丁進數十萬衆顧守護京城李成願扈從還闕即 史專三編

應者不啻百萬契丹漢兒亦必同心協力事方就緒乞 **彥遂屯滑州之沙店澤上疏口臣欲乘此暑月遣彦等** 諸岩指授方畧以俟會合乃以萬餘人趨汴金人以重 大舉趙太原澤恐彦孤軍不可獨進名彦計事彦悉名 等各以所領兵分路並進既渡河則山寨忠義之民相 西京陵寝馬擴等自大名取洛相真定楊進王善丁進 自滑州渡河取懷衛落相等州王再與等自鄭州直該 兵蹋其後而不敢擊既至汴澤令宿兵近甸以衛根本

金ラロアノー

卷三十五

次足四車至言 成疾疽發于背諸将入問疾澤矍然曰吾以二帝蒙塵 盡力諸将出澤歎曰出師未捷身先死長使英雄淚滿 憤憤至此汝等能殲敵則我死無恨衆皆流涕曰敢不 澤前後請帝還京二十餘奏每為潛善伯彥所抑憂愦 中與之業必可立致疏入潛善等忌澤成功從中沮之 同加掃蕩願陛下早還京師臣當躬冒矢石為諸将先 朝廷遣使聲言立遠天祚之後講吾舊好以指敵情遣 知機辯博之士西使夏東使高麗諭以禍福处出助兵 史傳三編

士去者十五都人請以類繼父任會已命杜充留守乃 號園遺表猶對帝還京贈觀文殿學士益忠簡澤質直 以類為判官充酷而無謀屢失人心類爭之不能得乃 志弗就識者恨之子類居戎幕素得士心澤卒數日将 結諸路義兵連燕趙豪傑自謂渡河剋復指日可其有 身當膽臣子乃安居美食耶始澤招集羣盗聚兵儲糧 好義親故貧者多依以為活而自奉甚薄常曰君父側 襟無一語及家事但連呼過河者三而卒年七十都人 WILL TILLING 中原不守矣充卒降于金頡官終兵部郎中 請持服歸自是豪傑不為用羣聚城下者復去為盜而 非澤之力耶澤之守舊都以李綱之舉及澤連疏數 揚威武使行在君臣得整兵輯将終成南渡之基者 之兵以成長驅之勢澤之功雖不成然掉蔽北門奮 十上為汪黄等所抑綱之去位久矣語曰安危在出 不復侵擾矣故得以選練材武收名豪傑糾合四路 論曰澤初在汴京金師屢至及數月之後渡河北去 史傳三偏

令存亡在所任豈此謂耶 趙鼎 卷三十五

趙鼎字元鎮解州聞喜人少孙母樊氏教之漸能通經

朝廷議割三鎮地鼎曰祖宗之地不可以與人何用議 **火百家崇寧五年登進士第對策直斥章惇誤國累官** 洛陽令宰相吳敏知其能推為開封士曹金人破太原

及京師失守二帝北行金人立張邦昌鼎與胡寅張浚

逃太學中不書議狀高宗即位張浚薦為司勲郎官帝

-/--雅右司諫将遷為殿中侍御史故事無自司諫遷殿中 三十六可謂舉職矣遂用之時劉光世部将王德擅殺 者范宗尹以為言帝曰鼎在言路所言四十事已施行 而京之黨未除時政之闕無大於是帝為罷安石配事 車駕所止為行在擇精兵以備儀衛其餘兵将分在江 幸建康掐條具防秋事宜鼎言宜以六宫所止為行宫 今日之患始於王安石成於蔡京今安石猶配享廟庭 准使敵莫測巡幸之定所帝納之久雨記求闕政鼎言 史傳三高

專殺無忌之罪而下的切責世忠指取其将吏付有司 **瞅京洛三國所必爭宜以公安為行闕而屯重兵于襄** 中始經營關中當自蜀始欲幸蜀當自荆襄始吳越介 卿無愧昔人矣及金兵至江帝幸會稽名臺諫議去留 在一隅不足以進取中原荆襄左顧川陝右控湖湘下 果陳戰守避三策拜御史中丞鼎言經營中原當自關 治之諸将肅然帝曰唐肅宗得李勉朝廷始尊令朕得

金定匹庫全書

韓世忠之将世忠亦率部曲奪建康守府解鼎請治德

卷三十丘

1 / A. ) O ... / ... ... 飛可使否鼎曰知上流利害無如飛者飛出師竟復六 竟陷召拜祭知政事宰相朱勝非方規復襄陽帝問岳 横烏合之泉不能當敵恐遂失襄陽已而横戰敗襄陽 改知建康又移洪州京西拾撫使李横欲復東京鼎言 帝謂鼎曰卿豈可去當遂相卿拜尚書右僕射同平章 郡項之執政思鼎出為川陝宣撫使将行會邊報沓至 史 萬三編 **+ A** 

陽運江浙之栗以資川陝之兵經管大業計無出此除

端明殿學士簽書樞宏院事以言事忤古出知平江府

金子ロエムノー 總六師臨江決戰鼎喜曰累年退怯敵志益縣今聖斷 復乘問言曰陛下養兵十年用之正在今日若少加退 親征成功可必於是詔韓世忠屯揚州命劉光世移軍 事無知樞密院事制下中外相慶時劉豫子麟與金人 暴逆豫之罪而世忠大儀之捷奏至帝遂欲自将渡江 阻則人心海散長江之險不可復恃帝遂辛平江下詔 建康而起張浚知樞密院及帝将發臨安鼎恐帝意變 合兵大入舉朝震恐鼎獨赞進禦之計帝亦曰朕當親

TANDING ALIO 遣其子豈可煩至尊耶帝乃止未幾張後至見鼎執其 **皆枸懼公獨言不足畏何耶冉曰敵衆雖臧然以豫邀** 勇爭先諸路守臣亦翕然自効乃朕用卿之力也鼎謝 後勇氣十倍全人聞之遂謀北歸帝謂鼎曰近将士致 手曰此行舉措皆合人心即日命浚視師江上将士見 而來非其本心戰必不力以是知其不足畏也帝語張 曰皆出聖斷臣何力之有或問鼎曰金入傾國來攻衆 决戰鼎曰敵遠來利在速戰遽與爭鋒非策也且豫猶 史傅三編

要津者多一時之望人號為小元祐及劉豫遣子麟祝 鼎首請博采奉言為善後計帝還臨安以鼎守左僕射 後曰鼎真宰相天使佐朕中與宗社之幸也金人既退! 浚欲今俊與沂中同保合肥浚以為然時邊報日急俊 飛駐鄂劉光世駐廬沿江上下無兵鼎以為憂移書於 **浚守右僕射俱無樞密院督諸路軍馬鼎於政事先後** 分路入冠時張俊屯盱眙楊沂中屯泗韓世忠屯楚岳 及人才所當名用者條而置之座右次第奏行之故列

金女巴尼人言

遂丐去罷知紹與府七年祉軍敗沒於偽齊浚引咎去 将進兵俊軍至藉塘與犯戰大破之馬命沂中趨合肥 賊也若與豫戰而不能勝或更退守何以立國今賊已 **欲棄盱眙光世欲棄廬州皆張大賊勢以聞鼎曰豫逆** ここりう シラー 與麟戰破之麟稅扶柵遁去門因抑品祉與張浚不平 沒有不用命者聽以軍法從事光世大駭復進至肥河 以會光世光世已棄廬田江北後以書告則與白上詔 渡河當亟遣俊合光世軍盡掃淮南之冠帝然之記 史傳三編 十七二

金气口 事自關朝廷非私後也帝意乃解以散官居後永州門 **儵因一失便置之死地後有奇謀秘計誰復敢言者此** 位乃復拜門尚書左僕射同平童事無樞密使臺諫交 欲加以遠寫則言沒母老且有勤王功帝曰功過自不 設有他處男身任其責淮西迄無驚時後巳落職帝猶 論准西無備則曰行朝擁兵十萬敵騎直來自足抗之 解冉力懇曰浚罪不過失策耳凡人計處豈不欲萬全 相掩已而内批謫浚嶺南男留不下詰旦男入帝怒未 下トノニー ア アンハンローユーションラー **鸭口陛下於金人有不共戴天之響今屈己請和不憚** 此軍可無患矣金人遣使議和朝論以為不可信帝怒 得精兵萬餘馬數干知廬州劉錡亦言淮北歸正者不 静以養之若復加攻砭必傷元氣矣金廢劉豫門遣間 為之者以梓宫及母后耳羣臣憤懣之詞出於愛君不 絕度可得四五萬帝喜曰朕當慮江池守備空虚今得 招河南守将壽亳陳蔡之間往往舉城或率部曲來歸 既再相或議其無所施為門口今日之事如人思藏當 史博三編

男至是**遂罷**男為忠武節度使知紹與府檜往餞內門 於國有大功再贊親征皆能決勝他人所不及也先是 定問地界則答以大河為界二者使之大吉不從則己 王倫使金從內受指內口問禮數則答以君臣之分已 言羣議遂息初點與浚共薦秦檜及檜得志客以事間 為之但得梓宫及好后還敵雖渝盟吾無憾馬帝從其 不為禮檜益憾之門既去王庶入對帝謂曰鹍兩為相 可以為罪陛下宜諭之曰講和非吾意以親故不得已

金グローノーー

卷三十五

ン.こう... ハム. **營約亂諸将所總歲歲奏功而天子親兵久無陞遷之** 陳公輔之徒陛下能去之乎帝為徙世将而補公輔等 寅魏矼晏敦復潘良貴日本中張致遠等數十人及再 **歎息謂庶曰五日前得此報趙男豈可去耶男嘗薦胡** 於外初禁衛諸軍遇赦轉員其法甚備自中原俶擾軍 相奏曰今才德可用如劉大本胡寅吕本中常同林季 倫受命而行至是倫與金使俱來以撫諭江南為名帝 仲之流陛下能用之乎妬賢長惡如趙霈胡世将周秋 史傳三編

越巧祠槍惡其迫已徙知泉州又誣以受張邦昌偽命 遂奪節門自泉州復上書言時政檜恐其復用使中丞 堂門請據三衙見管人數彷彿舊例立為轉員之法常 謝表曰白首何歸帳餘生之無幾丹心未很誓九死以 潮五年杜門謝客中丞詹大方誣其受賄移吉陽軍則 王次翁誣其乾沒官錢滴居與化移漳州潮州安置在 為敵見侵而為陛下中軍律治兵甲則兩得之矣與至 曰三省常為敵不來而為陛下拔人才修政事樞密常

金好巴库在老

卷二十五

こころう 東傳三編 **葬孝宗即位諡忠簡追封豐國公雅用其孫十二人則** 尾歸天上氣作山河壯本朝遺言屬其子乞歸葬遂不 書墓中石記鄉里及除拜歲月至是書銘旌云身騎箕 為文渾然天成凡高宗處分軍國機事多則視草有擬 食而死時紹與十七年也天下聞而悲之明年得古歸 人語其子汾曰檜必欲殺我我死汝曹無患先得疾自 門人故吏皆不敢通問僧命本軍月具存亡申省馬遣 不移檜見之曰此老倔強猶昔在吉陽三年潛居深處

金タレアとこ 奏表疏雜詩文二百餘篇號得全集行于世 微門則宋之南渡不復能立國矣 論曰談者謂髙宗之初人心思奮苟圖與復指期可 施計因事奏功任賢使能與利救敗治國之良材也 亦未可預料也觀於岳飛可以見矣雖然與善觀時 致及門得政而南北之勢成矣故門專固根本不急 用兵然使當馬之時宗澤尚在李綱再用其所設施 張浚

成舉進士賢良两科後四歲而孙行直視端無誑言識 フスンファイン・・ 宴然殊不為備力言之建炎三年金人南侵帝幸錢塘 編修官推殿中侍御史時帝在揚州沒請其東京關陝 昌僧立逃入太學中聞高宗即位馳赴南京除樞宏院 張沒字德遠漢州綿竹人唐宰相九齡弟九皋之後父 襄鄧以備巡幸推禮部侍郎沒度金人必來攻而廟堂 者知為大器入太學中進士第靖康初為太常簿張邦 留未勝非與浚于吳門同節制軍馬巴而勝非召浚獨 史專三為

帝遇俊厚急邀俊握手語之故相持而泣時日順浩節 以身任之後因大搞俊世忠将士呼諸将校至前抗聲 熟俊曰世忠來事濟矣白沒招之世忠至對後慟哭請 會而命俊分兵扼吳江疏請復辟會韓世忠舟師抵常 制建業劉光世領兵鎮江浚乃以蠟書約順浩光世來 討賊傅等以張俊為秦鳳路總管俊将卸兵而西浚知 赦書至平江沒私不宣及傳等以檄來沒慟哭謀起兵 留招潰兵數萬安集甫定而苗傳劉正彥之亂作改元

卷三十五

Leval Ore Line 大逆不道大逆不道者族今建炎皇帝不聞失徳一旦 即大治戰具博等以書名後後報云自古言涉不順謂 是令世忠先進急趙秀州據糧道以俟大軍世忠至秀 誓曰賊以重賞購吾首倘沒此舉違天悖人者若曹可 柳州安置及順浩光世兵踵至浚乃聲傳正彥罪傳檄 之指斥乘與事涉不順謂之震驚官闕廢立之事謂之 避位豈所宜聞傳等得書大恐乃遣重兵扼臨平貴後 取吾頭去不然有一退縮悉以軍法從事衆皆感憤於 史傅三编

羹小黄門忽傳太母之命不得已貶卿柳州朕不覺羹 事後進次臨平賊兵拒不得前世忠等搏戰大破之傳 覆于手念卿被謫此事誰任因引入内殿解所服玉带 泣待罪髙宗勞問再三曰向在睿聖兩官隔絕一日 啜 正彥遁去世忠追擒斬之語在世忠傳後入見伏地涕 相朱勝非使率百官請復辟萬宗御筆除後知樞客院 且至傳等憂恐不知所出幡知其可動即以大義白室 中外率諸軍繼進沒前遣客馮轓以計説傳等及大軍

金ケロニノノニー

**悖傲無禮乞貸傅正彥等死罪浚奏瓊大逆不道召至** 章至先是靖康中金人盡取君后太子宗室北行多瓊 訪問風俗罷斥姦贓以搜揽豪傑為先務諸将惕息聽 都堂數其罪誅之分其軍隸神武軍然後行時金人已 之謀瓊又乘勢剽掠左右張邦昌為之異衛至是入朝 · / · / · · · · 取 郎延渡渭攻永與諸将莫肯相援後至即出行關陝 宣撫處置使便宜點防将行平冠将軍范瓊擁衆自豫 以賜後謂中興當自關陝始慷慨請行詔以後為川陝 史再三編

開為都轉運使雅吳玠為大将子羽慷慨有才器開善 珠之師金兵遂引而北去因拜後檢校少保後在陝蜀 成鳳三州以固蜀口紹興元年吳玠連破金将烏嚕烏 關師古等聚兵於岷州大潭孫渥賈世方等聚兵于階 退保與州命吳玠聚兵於和尚原大散闢以斷敵來路 五路之師以復永與烏珠馳至戰于富平官軍大敗沒 三年訓新集之兵當方張之敵以劉子羽為上賔任趙 命聞金烏珠猶在淮西恐其復擾東南謀牽制之乃合

金好口厂在書

卷三十五

大三りったい 曲端言者以為非朝廷疑之三年遣王似副後後聞似 疏極言其狀未幾劉麟果引金人南侵帝思沒前言幸 宫居福州浚既去慮金人釋川陜之兵併力窺東南上 來求解兵柄且奏似不可任宰相吕順浩朱勝非毀短 平之敗後以環慶帥趙哲違節度斬之至是又殺將軍 後而御史中丞辛炳以宿憾劾浚遂以本官提舉洞霄 而全蜀安堵且以形勢牽制東南江淮亦賴以安初富 理財而玠每戰輛勝西北遗民歸附日衆故關陝雖失 史 傅三編

金万正广台 言張樞密已在鎮江烏珠口張樞密貶顏南何得在此 韓世忠張俊劉光世議事將士見沒勇氣十倍沒部分 平江名後入見除知樞密院事後既受命即日赴江上 諸將身留鎮江節度之世忠遣麾下王愈指烏珠約戰 書右僕射同平章事無知樞宏院事都督諸路軍馬浚 與趙門並相同心輔治務在塞倖門押近習時巨冠楊 愈出後所下文書示之烏珠色變一夕引去五年除尚 視師時烏珠擁兵十萬於揚州約日渡江決戰浚至名

てたり... ンエス 朝進中與備寬四十一篇帝嘉數置之坐隅六年會諸 圖中原乃自鄂岳轉淮東會諸將議防秋之宜詺促歸 百皆么謀者給以文書俾招諭諸岩及岳飛破么城泉 楊沂中領精兵為後翼以佐俊岳飛進屯襄陽以窥中 陽劉光世屯合肥以招北軍張俊練兵建康進屯盱眙 將議事江上榜豫僭逆之罪命韓世忠據承楚以圖淮 么據洞庭諸将討之不克浚自請行至醴陵釋邑囚數 二十餘萬相繼來降湖冠盡平浚遂奏遣飛屯荆襄以 史博三编 五五

江者斬光世復駐軍與沂中接沂中與劉稅戰大破之 俊等渡江則無淮南而長江之險與敵共矣且岳飛 以為國今日之事有進無退及劉麟迫合肥俊請益兵 原沒渡江徧無准上諸戊因入塑請幸建康未幾劉豫 已舍廬州而南淮西沟動浚開疾馳至采石令曰有渡 光世欲退師朝議欲召飛東下令俊光世還保江浚言 復遣麟紀入冠後勅諸将曰城豫以逆犯順不勒除何 動襄漢有警復何所恃諂從之楊沂中兵抵豫州光世

金女口片在電

卷三十五

**徳皇后崩問至帝號働辦踊哀不自勝後言天子之孝** 不與士庶同今梓宫未返天下塗炭願陛下揮涕而起 今六飛一還人心解體帝幡然從浚計及複宗皇帝寧 之事不倡則不起三歲之間陛下一再臨江士氣百倍 祝麟 皆拔柳 通於是趙 門等議回蹕臨安後獨言天下 感動浚退上疏曰陛下思慕兩宫憂勞百姓臣之至愚 外詞甚哀切浚又請命諸大将率三軍發哀成服中外 **敛髮而趨一怒而安天下之民帝乃命浚草詔告諭中** 史傳三公

成功使敵無憚今日之禍端自臣致乞賜罷無再疏待 **獲遭任用臣每感慨自期誓強敵等昊天不弔禍變忽 庭内侍無敢越,度事無巨細必以咨浚賜諸將諂往往** 政幾事叢委以一身任之每奏對必言讎耻之大反覆 罪帝令起視事乃請乘與發平江至建康浚總中外之 命臣曰我有大除於北刷此至耻惟爾是屬而臣終隳 生使陛下抱無窮之痛罪將誰執念昔陝蜀之行陛下 再三帝未嘗不改容流涕時天子方厲精克已戒飭宫

金定匹库全下

卷三十五

**冉檜由是憾後後既去落職居永州九年除省政殿大** 節制其軍而以王德為都統制壓瓊副之未幾瓊舉軍 學士福建安撫大使大治海舟為直指山東之計十六 叛降劉豫日祉死之後坐此引咎求去帝問可代者且 故浚以實對母誦其父對策語曰臣寧言而死於斧鉞 年彗 星出西方浚將極論時事恐貽母憂母訝其癖問 曰秦檜何如浚曰近與共事方知其闇帝曰然則用趙 命浚草之光世在淮西軍無紀律浚奏罷光世使吕祉 史傳三編 主

惟恐其復用當是時秦檜怙罷專權每令臺臣彈劾必 賢不肖莫不傾心慕之金人憚沒每使至必問沒安在 宫居連州二十年徙永州浚去國幾二十年天下士無 於心謹察情偽使在我有不可犯之勢庶幾社稷安全 不然後将噬臍秦槍大怒點後以特進提舉太平與國 如養成大疽於頭目心腹之間不決不止惟陛下謀之 不能忍不言以負陛下浚意乃決上疏言當令事勢譬 欲殺浚至檜死乃已二十五年復觀文殿大學士判洪

金片四十一全七

九七日 車 全書 史佛三的 府兼行宫留守浚至岳陽買舟冒風雪而行敵兵方焚 · 亮兵大入中外震恐乃復後觀文殿大學士判潭州時 至潭聞欽宗崩號動不食上疏請早定戰守之計未幾 金騎充斥王權兵潰劉錡退歸鎮江遂改命浚判建康 思退等笑沒為狂記復居永州三十一年有古自便沒 喪為嫌具奏論之會星變求言沒復上疏極論沈該湯 聞金亮篡立必将舉兵自以大臣義同休成不敢以居 州後時以母喪歸葵念天下事為檜所壞邊憐荡弛又

勞浚曰卿在此朕無北顧憂矣浚招集忠義及募淮楚 肚勇以陳敏為統制且謂敵長于騎我長於步衛步無 為從天而下至建康即牒辨行官儀物亟請乘與臨幸 三十二年帝幸建康浚迎拜道左衛士見浚無不以手 止之後回吾赴君父之急知直前求乘與所在而已過 采石煙焰漲天長江無敢行北岸者獨沒一舟徑進或 池陽聞亮死李顯忠兵在沙上沒往犒之一軍見沒以 額後起廢復用風采隱然人倚為重及帝将還臨安

CAJOR LAND 先城泗州及浩然政浚所規畫浩必沮之金人以十萬 後謂不守淮而守江是示敵以削弱怠戰守之氣不若 濟所謂天者天下之公理而已必兢業自持使清明在 曰當不忘公言進封浚魏國公史浩議欲城瓜洲采石 **衆屯河南聲言規准移文索海泗唐鄧商州及歲幣浚** 躬則賞罰舉措無有不當人心自歸敵國自服帝悚然 如弩衛弩無如車乃命級專制弩治車孝宗即位合浚 入見後從容言人主之學以心為本一心合天何事不 **史 專三編** 九

縣顯忠至靈壁敗蕭琦軍宏淵圍虹縣降富察圖們 忠戰顯忠小不利而謀報敵兵大至顯忠夜潰引歸浚 仁進克宿州中原震動會金帥赫合哩志寧率共與題 以大兵屯盱眙濠廬備之卒無事隆興元年除極家使 聞帝報可乃遣顯忠出濠州趙靈壁宏淵出四州趙 殿前司李顯忠建康都統邵宏淵亦蘇進攻之策浚以 都督軍馬如故時金人将南侵浚欲及其未發攻之會 一疏待罪主和議者因毀短沒帝不聽後乃以魏勝守

金ダレビノ言

等不屈更禮而歸之帝諭沒曰和議不成天也自此事 陳其失帝不聽更遣胡昉等往而拜沒尚書右僕射同 主和議金人索四郡及歲幣遣盧仲賢報金沒言仲賢 軍壽春大飭兩淮守備時湯思退為右相秦檜黨也素 平章事無樞密使都督如故胡昉等至宿金人脅之昉 小人多妄不可委信巴而仲賢果辱命方再遣使沒力 1、專三

縣两城為大勢修滁州關山以扼敵衝聚水軍淮陰馬

海州陳敏守泗州戚方守濠州郭振守六合治髙郵巢

當歸一矣三年議幸建康詔沒行視江淮時沒所招徕 者皆積水為匮增置江淮戰艦諸軍弓矢器械悉備金 統之以守泗州凡要害之地皆築城堡其可因水為險 人萬弩管所招淮南壮士及江西厚盗又萬餘人陳敏 山東淮北忠義之士以實建康鎮江兩軍凡萬二千餘 之後八章乞致仕乃以少保充體泉觀使朝廷遂決割 之來歸者日不絕山東豪傑悉願受節度思退多方構 人屯重兵于河南將刻日決戰及聞後來亟撤歸淮北

金牙匹丁全言

巷三十五

次餘千得疾手書付二子曰吾當相國不能恢復中原 義無所逃於天地之間吾荷两朝厚恩久尸重任安忍 上務學親賢或勉沒勿復以時事為言者沒曰君臣之 C. P. J. TOWER ("Y. 雪祖宗之耻即死不當葬我先人墓左葬我衡山下足 不言上如欲用淡當即日就道不敢以老病為辭也行 地求和之議浚既去猶疏論尹穑姦邪必誤國事且勸 矣計聞孝宗震悼贈太師諡忠獻浚幼有大志及為熙 河幕官徧行邊壘覧觀山川形勢與舊戍守將握手飲 史傳三編

和議每論定都大計以為東南形勢莫如建康人主居 北行皇族係繁生民塗炭誓不與敵俱存故終身不主 遠當樞筦之任能通知邊事本末在京城中親見二帝 以大事一見劉錡奇之付以事任卒皆為名将有成功 安肆不足以號召北方所薦虞允文汪應辰王十朋劉 之可以北望中原常懷憤惕至如錢塘僻在一隅易於 酒問祖宗以來守邊舊法及軍陳方畧故一旦起自疎 珙等為名臣振吳玠吳璘於行問謂韓世忠忠勇可倚

金らせいとう

かんは、ころいろくんない 詩禮春秋中庸亦各有解文集十卷奏議二十卷 乎惟勇於赴敵輕舉浪戰有違於臨事而懼之義然 廢劉光世指領之間不動聲色非其氣有大過人者 進退旋轉曲折如臂之使指莫敢違也觀其誅范瓊 趙冉者然登朝則國勢振舉在軍則将士用命緩急 世忠及浚五人而已浚之任事詳審精密若不逮於 論曰建炎諸將相志於恢復者惟李綱宗澤岳飛韓 **火侠三编** 

時稱沒為知人後學邃于易有易解及雜說十卷書

金グレレノニ 包舉羣謀驅策眾力其所成功亦已多矣所舉士皆 史傅三編卷三十五 為名臣賢將數十年之問劾命戰場保安疆圉揆厥 所由咸浚之建立固不可以富平符離之敗點之也 卷三十五